

籌辦夷務始末

善辦夷務始末卷之三十

同治三年甲子十一月己酉江蘇巡撫李鴻章奏查總稅務司赫德經理洋稅接濟餉需用資戰勝卽與宣力行間無異戈登管帶常勝軍隨同攻剿每遇緊要機宜赫德無不贊助上年克復蘇州時戈登以部逆等研誅頗有齟齬經總理衙門王大臣函屬該總稅司從中調停臣復推誠相待戈登幡然悔悟倍加出力該總稅務司陰與維持深明大體實屬著有勞績查海關現定會訊章程遇有洋商應訊事件該總稅務司亦與聞聽斷律以刑官之義並藉以壓服各國幫訟之領事擬請

旨賞加赫德按察使銜以昭激勸。

御批總理各國事務衙門議奏。

庚戌總理各國事務恭親王等奏。臣衙門於十月二十六日接據英國公使威妥瑪照會。內述漳州府城失陷情形。並稱賊眾欲搶廈門泉州。以作出入海口之路等因。當經照覆去後。又於十一月初五日。復接該公使信。以閩粵各口領事詳述各處。請用洋兵幫助。該公使先因漳州失守。即經咨會水陸提督。就近設法保護該處英商。若各督撫果欲酌請教操。尚可應允。至欲用外國兵加不便先行。並於前一日。疊接福建稅務司美理登申陳二件。內述購買

洋畝及曾林兩提督會同教習稅司等教練會勦各等因
臣等復查雙賊首惡已除餘氛延及閩粵而閩省較為喫
緊在該兩省自不難運籌設策就現有兵加殲此小醜咸
妥瑪所稱該省請用洋兵幫助及美理登所稱約同馬教
士稅司等往漳會勦各節均未據該兩省奏咨查中國用
兵原無藉資外國之理福建巡撫因汀州賊匪猖獗果如
所請議令外國調兵協防似欠妥洽錄洋兵協守所費不
貲又多流弊且非自強之道咸妥瑪不允調集自屬正論
臣銜門同治元年秋間密陳自強以張國勢練將以固兵
心一摺內論中國教演洋槍隊伍練兵必先練將將來卽

用中國之將統帶中國之兵。則權不外倣。用洋人而不為
洋人所。用言之甚詳。自奏准通行後。練兵一事。惟江蘇一
省實力舉行。尚得其加。現在髮逆餘黨蔓延閩粵。未必非
因計窮勢蹙。圖竄入海。所有該二省沿海各屬。在在可慮。
洋人自顧商貨。但經賊尤不擾。洋商即難保不潛許。任令
脫逃。該省借兵之說。是否急不暇擇。抑或亦為杜其勾結
起見。臣等無從深悉。第借兵一層。無論戚安瑪未經允准。
即今照准。亦屬流弊孔多。不如藉教練之策。籠絡其心。俾
不致勾結潛通。縱令入海。臣於接戚安瑪照會信面後。業
經備具公牘。並切實函致福建巡撫徐宗幹。兩廣總督毛

鴻賓○趕緊設法妥為辦理○嚴杜入海○相應請

旨飭下福建廣東兩省將軍督撫確切查明○前所教練兵丁○其已
練未撤者○仍督飭認真接練○其練數較少者○即行添派兵
丁○趕緊訓練○毋再令皇議調洋兵○致滋流弊○貽惠疆圉○並
請

飭令務撥旗兵○或綠營正身兵丁○交給洋弁教練○斷不可令招募
之勇學習○庶免後患○

御批○依議○

英國照會

為照會事○現據住紮廈門領事官柏詳報○九月十三日○廣

西賊匪大約八百餘名。竄至漳州。官軍兵力過單。為賊所
敗。退入城內。該匪乘勢占踞該城。迨至十四十五等日。復
有賊一千二百餘名。續來相助。更有賊六千餘眾。由西南
二處而來。聞者西北交界之處。近有長髮悍賊數千人。出
沒無常。誠恐欲與漳州之賊兩相接應。民人皆謂此股賊
匪。各有轉桶洋槍二桿。輕扎槍一根。賊眾皆云欲搶廈門
泉州府二處。以作彼出入海口之路等因。本大臣相應照
會貴親王查照可也。為此照會。

給英國照覆

為照覆事。准貴大臣照會內稱。現據住劄廈門領事官柏

詳報九月十三日廣西賊匪竄至漳州等因本爵接閱來文深謝貴大臣關切之美意現在此股竄匪已經左制軍督飭將弁兵勇親赴該處地方勦辦茲據前因相應照覆貴大臣查照可也

戚安瑪原函

啟者前因漳州府為賊所占廈門一帶大有危險當即備文通知入據汕頭領事官詳報該匪越界進入粵省業經向西占踞數處欲撲潮州府城該道備文約伊幫助等因廣州領事官詳報該省左近居民聞風警畏請本大臣立為剴覆准行等因福州府署領事官詳報該省撫憲因聞

漳州汀州賊匪猖獗。頗深警懼。派員面議可否外國調兵。協同防堵。該署領事以甯波府城前充洋槍隊。尚有數百餘人。未經裁撤。何如調集到閩。以備堵截。撫憲復以此法未善。不如調取外國軍兵為妥。該署領事未敢擅便。詳請本大臣剴行如何辦理。查聞漳州失守。當應咨會我陸路水師兩提鎮。就近設法保護該處英商。惟廣東一處。經割領事官。該省駐防滿兵人數較多。如能按照外國戰法。略為操練。即可以禦賊匪。督撫果欲約請教習操演行陣。本大臣尚可應允。至於我國兵力。本大臣實不便允行。福州署領事詳請剴知。本大臣示以此意。發文前往。如有行知。

各該省文件希送至本館以便一併咨送故先走札佈聞
給成妥瑪信函

前接貴大臣照會關注一切昨經照覆貴大臣在案茲復
奉惠函詳述漳汀廈潮各情飭及咨會貴國水陸提鎮設
法保護英商並述廣東一處經創領事官以滿兵較多如
能按照外國戰法略為操練即可禦賊督撫果欲酌請教
操尚可應允至調集貴國兵力不便允行福州署領事處
亦示以此意等因本爵深謝貴大臣關切厚意即照貴大
臣函內之意飛達備文咨會閩粵各督撫查照辦理並煩
勞貴大臣一併封送可也

美理登原函

申啟者閩省教練精兵籌辦利器一節。敝司於舊年間早
經詳請在案。嗣蒙恩准移咨徐中丞奉辦。緣當時賊氛未
熾。不卽啟辦。至本年夏間。髮逆竄入閩疆。撫憲始准飭派
精兵二百名。囑敝司聘請外國武弁五人。前來教用洋槍
洋礮。至啟辦之時。又慮糜費。止選精兵四十名。交法國總
兵官馬騰等教演兩月有零。該兵已精通技藝。突於九月
間。髮逆竄入汀州屬邑。攻陷龍巖州。漳州郡城亦先後失
守。逆匪據住城池。廈門係通商口岸。附近漳州。當時民心
惶惶。危在旦夕。廈稅司休致函來省通知。並知會英領事

派呂兵船到廈防堵。適敵司前在香港。代購有銅礮四尊。以及礮車火藥西瓜彈子。敵司即將此礮請勻二裝。並所練兵丁四十人。請添六十名。湊成一兩。即配本關洋船。撥為教習。同副稅司帶往廈門。會同廈稅司相機勦堵。到廈後。適英國兵船亦至。民心稍安。賊聞風不敢往廈。現在曾提督已由臺到廈。見馬教習日夜教練精兵。甚相喜悅。值林提督移咨約期往漳會剿。曾提督會同馬教習。暨廈門協辦稅務。已帶領練兵一百名。並洋礮西瓜子。於十月十三日往漳會剿。茲將現在情形。合先申達尊鑒。望為轉達總理衙門。報明閩省軍務。凡在廈稅司領事。並外國在陣

從戎人等皆出力相幫望各加獎許以示激勵至汀郡一
帶賊氛未熾容再察情勢如果迫近省疆敵司當亦從戎
幫辦但保邦即以衛課敢不竭盡忠誠以圖報效仍祈容
明督撫當與敵司和衷襄理真若一家勿以秦越人相視
也。所惜者練兵尚少礮械不多若肯多練幾百名精兵較
之臨時所招壯勇猶相勝百倍也。

美理登原函

中啟者閩省教練精兵等辦利器前經申請撫憲議辦已
承批示准行前月間代請外國武弁先教各兵洋槍俟槍
法既熟再行教放洋礮惟福州向無洋礮適敵司奉憲劄

妻前往臺灣順便前至香港。因彼時開製逆擾亂建甯將
樂等縣。迫近產茶之區。誠恐閩省礮械不堅。無以攻禦。特
為購辦行軍大銅礮四位。西瓜子礮碼火藥三十七箱。裝
駕大礮輪車。並礮子火藥輪車共十六輛。該輪車便於運
動。無論上坡下隄。儘可駕馬而馳。攻戰最便。敵司既商買
該礮。詎料英國水陸提督俱不肯將此礮械發賣中華。而
英國香港總督亦不敢自專許辦。敵司大費周章。後幸遇
英國欽差卜大人往廣。敵司面款及此。深承卜大人厚情。
為兩國友好之誼。允准購置。且不許高價。飭照英國工本
給發。即將該礮械等送來閩省。統共給價六千七百圓。價

值最為便宜。惟此次深承卜大人格外關注。厚待中國。應
均感其盛情。煩轉請總理衙門另行修函達英國。署欽差
大臣致謝。卜大人之美意。敝司亦申請撫憲。一面發給破
價。仍移函與英領事致謝。以示禮貌。則將來有事。或望出
力相幫。益敦和好。

給福建巡撫信函

密啟者。頃接英國威公使來函。內稱。福州領事官報稱。撫
憲因漳汀賊匪猖獗。派員議令外國調兵協防。查漳州失
守。當即咨會水陸提鎮。設法保護英商。督撫果欲酌請款
練。尚可應允。至欲用我國兵力。不便允行等因。並稱如欲

令洋人教練禦賊。即請行文閩廣督撫。交伊等去云云。當
備公牘黏鈔原函。交威使由輪船寄去。想邀賜覽。查練兵
一事。自同治元年五月二十七日。備具公牘鈔錄來往照
會。另備信函。詳錄天津練兵章程。續後疊經商論此事。並
本衙門具奏。自強以張國勢。練將以固兵心一摺。亦經鈔
錄行知。至同治二年正月。據報練槍三隊。練礮三隊。每隊
弁兵共十二名。同治三年六月。大谷內稱美理登因髮逆
犯閩。請練精兵六百名。經福州守廈令緩辦。本處因疊奉
函稱。經費無措。止好照舊暫緩計議。查美理登嘗言練兵
事關緊要。難容緩圖。兵威振則國勢興。不特外足以蕩強。

寇即內亦足以服頑民其言未可為非李少荃函論練兵一事引蘇子瞻之言以為言之於無事之時足以有為而恒苦於不信言之於有事之時足以見信而已苦於不及尤為洞見癡結之論現在髮逆餘黨業經蔓延貴屬據威公使函稱貴處欲令外國調兵協防而成公使不知在彼確係正論緣遠調洋兵協防所需較練兵尤費且非自強之道為今之計貴處自應先儘中國現有兵力維持不用外國弁兵豫防日後之患方為正辦第髮賊計窮難保不為圖寬入海之計則澎湖臺澎均屬可慮洋人自顧商貨但經賊尤不擾洋商即難保不潛許任令脫逃種種可慮

若令練兵禦賊計屬較穩高明想早計及其應如何妥為設法不致有前項弊端及此外應防各弊至練兵一事雖無三年之艾仍應補亡羊之牢總由大才悉心斟酌迅速辦理萬不可再誤事機是為至要

給兩廣總督信函

密啟者頃接英國威公使來函內稱汕頭領事官詳報逆匪越界入粵業經向西占數處欲撲潮州該道備文約伊幫助廣州領事官亦有詳報入據福州領事報稱撫憲因汀漳賊匪猖獗欲調洋兵協防查漳州失守當即咨會水陸提鎮設法保護英商惟廣東省駐防滿兵較多能照外

國戰法。略為操練。即可禦賊。督撫果欲約請教操。尚可應允。至欲用我國兵力。不便允行等語。並稱如欲令洋人教練禦賊。即請行大廣閩督撫。交伊寄去云云。當備公牘黏鈔原函。交威公使由輪船寄去。本處查廣州練兵案內。疊據前制軍並廣州將軍咨報。英國教練旗營兵三百名。綠營兵五百六十名。又赫德請將防守稅廠兵丁一百十五名。撥歸大隊。一同訓練。法國教練旗兵三百名。本年八月。據廣州將軍咨稱。法署武弁。將前項官兵交還到旗歸伍。其英國教練各兵。現在有無增減。迄今未據咨報。現據威使函稱。曼逆攻陷汀漳。竄入粵境。逼近潮州。該道約領事

幫助威使以該省駐防較多能照外國戰法操演行陣即
可禦賊等語查中國用兵原無藉資外國之理威使不允
調集洋兵自是正論第恐髮賊計窮難保不為圖竄入海
之計粵東為海疆要地沿海各口均屬可慮洋人自顧商
船但經賊先不擾洋商即難保不潛許任令脫逃若不設
法牢籠竊恐反為賊用惟現時若遽調洋兵協防所費不
貲且非自強之選粵省曾經邀請洋弁練兵不如查照舊
章以廣州現有之旗兵酌添若干約請外國教練行陣既
可指示羈縻並可杜其勾結賊匪之弊總由大才悉心酌
量妥為辦理至如令洋弁教練總宜撥給旗兵或綠營正

身兵丁。斷不可令招募之勇學其兵法。以免後患。是為至要。再郭筠仙及廣州將軍處。未及作函。所有此函詳論一切情形。統希閣下就近密為知會可也。

恭親王等入奏。臣等訪聞近日京城鋪市。售賣洋槍及銅帽等件。其小洋槍價值甚廉。查各國通商善後條約第三款內載。大小鳥槍。概屬違禁。不准販運進出口等語。是鳥槍無論大小。皆係違禁。並無較小槍枝。遂准售賣明文。今通於都城重地。公然售賣此項槍枝銅帽。揆厥來由。皆緣天津等各海口。暨京城各門。於此項違禁貨物進口入城時。漫無稽察。方得如此充斥。若不亟行禁止。任令販賣。實

恐貽患滋多。除已由臣等咨行三口通商大臣暨步軍統領衙門飭屬嚴行查禁外。相應請

旨飭下辦理三口通商大臣。步軍統領衙門。嚴飭各口監督委員及各門官。遇有此項貨物進口入城。務須嚴密稽察。偵查出有夾帶洋槍銅帽及一切軍火等件者。係洋商。即將該軍火等物照約拏充入官。係華商。照私販軍火治以應得之罪。如各口監督委員及各門官未經查出。別經發覺者。即將各該員等嚴行叅處。以示懲儆。至所有從前已經販入京城者。並請

飭下步軍統領衙門及五城順天府一體出示曉諭。無論鋪戶民

居如藏有大小洋槍及銅帽。無論件數多寡。均自出示之日起。限一月內繳官。酌給原價。其價卽由臣衙門船鈔項下發給。奏明支銷。若逾限不繳。將來經地方官查出。立即照私藏軍械例治罪。經此項繳清以後。京城及各口。不准再有私藏此項槍枝之人。如地方官未經查盡。別經搜查屬實者。除將私藏之人治罪外。仍將地方官嚴叅。俟屆一月限滿。卽將所收槍枝銅帽。分交神機內外火器等營收存。以備操演。

御批依議

壬子閏浙總督左宗棠奏。此次攻克杭州。權授中國總兵

法國參將德克碑督軍助勦極肯出力除德克碑已隨捐
奏請獎敘外其所部常捷軍外國員弁茲據開單請獎前
來可否仰懇

天恩俯准將三品藍翎遊擊法蘭克藍翎都司勒佛材哪維興三
員均請

賞帶花翎都司白思格戡才爾拜士碑魯綽守備夾勒乃五員均
請加四品頂帶並

賞帶藍翎守備謝克老微爾美德買勒格千總介思德明虛帶囊
五員均請加五品頂帶並

賞帶藍翎以示鼓勵之處出自

聖裁

諭內閣。三品藍翎遊擊法蘭克。藍翎都司勒佛材。那維基。均著賞戴花翎。都司白恩格。戰才爾。拜士。碑。喜。錫。守備夾勒乃。均著賞加四品頂帶。並賞戴藍翎。守備謝克老。微爾。美德。買勒格。千總介思德。明。盧。幣。囊。均著賞加五品頂帶。並賞戴藍翎。

丙辰總理各國事務恭親王等奏。軍機處交出江蘇巡撫李鴻章奏。請將稅務司赫德

賞加按察使銜。以昭激勸等因。附片一件。同治三年十一月十二日。議政王軍機大臣奉

旨。總理各國事務衙門議奏。欽此。臣等伏查蘇省連年用兵。一切

餉需均藉洋稅源源接濟。大半皆由赫德稽查洋稅之加。上年克復蘇州之時。戈登以先經允許鄒逆等投降免死。後來鄒逆等駢誅。戈登自以失信於賊。與李鴻章勢將倒戈相向。有不可解之勢。賴赫德從中調處。解釋前嫌。戈登仍前出加。俾李鴻章得以收復常州一帶。是戈登終成助剿之功。實赫德調停之加。戈登素經蒙

恩賞加提督銜。該總稅司亦應給與獎敘。以昭激勸。今據李鴻章奏。以該總稅司從前籌助軍餉。調和外國將士。著有微勞。擬請

賞加按察使銜等因。查英法各國條約內載。領事官與道員同品。

副領事及繕譯官與知府同品。善後章程照會內載。總領事官與藩臬同品等語。今李鴻章以赫德著有軍功。為請給予按察使銜。自係查照各國總領事與各省藩臬同品起見。應請准如所議辦理。惟此次赫德保舉加銜。係因軍功著有勞績。故格外奏請。

恩施以為懋賞。嗣後軍務平靜。總辦稅務司僅辦稅務。例有丰偉。不得援以為例。庶於激勵之中。仍寓限制之意。

御批。赫德著賞加按察使銜。

辛酉。戶部會同總理各國事務恭親王等奏。竊查本年八月。據美國公使蒲安臣。在總理衙門投遞照會。內稱。咸豐

八年廣東紳士伍崇曜向美國旗昌洋行借銀三十二萬兩。交者庫應用。經前任兩廣總督會同粵海關監督立揭銀單十三件。單內立明每銀一兩每月六釐行息。限六箇月清還。由伍崇曜交與洋行收執。並經前督奏准由海關稅銀項下給還。請將此項銀兩照單計息清還前來。臣等查咸豐八年原任兩廣總督黃宗漢向伍崇曜所開之洋行借銀三十二萬兩以充兵餉。正在各國和議未定之時。是貸中國之銀以禦外國。非貸外國之銀以攻其本國。在伍崇曜生前頗知大義。樂於輸將。其子伍紹宗小心謹慎。念累世食毛踐土。係屬中國子民。當必善承父志。是以臣

等於上年十月會議請

旨飭下兩廣總督毛鴻賓勸令伍氏一家倡捐清款准予優獎最
為平允本年二月間毛鴻賓奏陳當日捐借原委均係實
在情形現在辦理有無就緒尚未據該督覆奏而美國公
使持前給伍崇曜之印票在總理衙門投遞照會請由關
稅撥還查粵海關近年稅項支絀不特部庫及各處協餉
未能湊解卽內府

上用急需亦未能陸續交納何能籌此鉅款惟此項銀兩既經發
給印票自應早為清理現由戶部於該省通年應行報解
各款內查有伍氏所開之怡和等洋行積年欠繳捐輸新

經軍需代賠萬源等行欠項。應繳放關分頭。及積欠英商不敷借領藩關運道各庫銀。統計三百零五萬五千餘兩。前據該省於道光二十五年。奏請將新疆軍需一款未繳銀四十二萬兩。自道光二十七年起。分七限。每年繳銀六萬兩。又代賠萬源等行銀三十一萬六千餘兩。放關分頭銀十一萬九千二百餘兩。自咸豐四年起。分限四年。按款接續完繳。又道光二十一年。借領各庫歸還英商銀二百八十萬兩。先據靖逆將軍奕山等。轉據該商稟奏。明分限四年歸還。除二十二年繳過銀六十萬兩外。尚有未繳銀二百二十萬。後經奏准。遞展一年。嗣於二十七年。據原任

兩廣總督耑奏。請俟新疆等款銀數清完後。察看情形。再行分限完繳。經戶部議令。各項清完後。每年完繳銀十五萬兩。不准藉詞延宕。奏准行。知遵照在案。茲查道光二十七年。起至咸豐七年。應繳新疆軍需等銀。按該省七年秋季冊報。除已完外。尚未繳銀四十八萬餘兩。至應完借領藩關運道各庫歸還英商積欠銀二百二十萬兩。應自咸豐八年。起限至同治三年。計七限。每年應繳銀十五萬兩。共銀一百零五萬兩。該省前因軍務倥傯。應報各案。奏准展限。未據造報。現已漸次肅清。自宜趕緊追繳。以備提撥。況自同治四年。起至十一年止。每年仍有應繳銀十五

萬兩共銀一百十五萬兩。是伍氏所開洋行欠繳公項為數甚鉅。俱係奏明公限催追在案。雖應繳各款係伍怡和等十行勻攤完繳。而伍氏為洋行首領。各家皆歸統攝。責無旁貸。故凡有欠項。均由伍氏經理清完。惟念該故紳素尚急公。該省疊遭兵燹。是以格外體恤。未經按限嚴追。該故紳家屬仰沐

朝廷養深仁。至優極渥。宜如何激發天良。力圖報効。於一切應繳公項。妥速解繳。以充餉糈。今八年伍崇曜等借銀三十二萬兩。本係飭令捐輸。嗣准作為借款。如果伍氏子弟明白曉事。現已遵奉

諭旨自行清繳。繳回印票一經奏請立予優獎。設使一時籌措不前。未能如數清還。即由伍怡和等行欠繳公項銀二百六十八萬餘兩內移緩就急。暫將應繳之庫銀撥抵經手之借項。臣等公同等商擬請

飭下兩廣總督毛鴻賓。廣東巡撫郭嵩焘。迅將伍怡和等行積年欠解公項。截至本年止。究竟有無按限完繳。據實查明。勒限催解。一面於應繳各項內。准其先行撥抵。或由伍氏自行剋扣。抑或仍歸藩庫轉解。務期妥速籌辦。即將印票收訖。此外應繳各年款項。已未完解。亦即分晰造冊報部查覈。該督等務遵疊次欽奉

諭旨到切曉示俾該故紳家屬知

朝廷寬大不苛予以自新之意。儻仍藉詞推諉。有意宕延。卽查照道光二十五年奏案。執法嚴懲。毋稍徇縱。

諭議政王軍機大臣等。總理各國事務衙門。戶部奏。據美國公使蒲安臣。在總理衙門呈遞照會內稱。咸豐八年。伍崇曜向美國旗昌洋行借銀三十二萬兩。經前任兩廣總督會同粵海關監督立揭銀單。由伍崇曜交與洋行收執。請飭廣東督撫將伍氏欠項查明。於應徵各項內先行撥抵。或由伍氏自行剝扣。將印票收回。並將各年款項分晰造報等語。伍崇曜前代籌借三十萬兩。當時給與海關印票。初無借自美國之說。前經諭令毛

鴻賓傳諭該員家屬將此項銀兩妥為籌措自行經理尚未
據該督等將現辦情形具奏茲據美國公使呈遞照會請照單
計息清還此項銀兩既經發給印票自應早為清理現由戶部
查明該省遞年應行報解各款內有伍氏所開之怡和等行欠
繳公項銀二百六十八萬餘兩著毛鴻賓郭嵩焘師曾迅將伍
怡和等行節年欠解公項截至本年止究竟有無按限完繳據
實查明勒限催解一面在於應繳各項內准其先行撥抵或由
伍氏自行割扣抑或仍歸藩庫轉發務須迅速妥辦將印票仍
由海關收回以免弊端此外應繳各軍款項已未完解亦即分
晰造冊報部查覈該督等務當仰體朝廷寬大之恩傳知該故

員家屬俾知感激圖報。速為清理。償仍舊制。推諉有意宕延。卽
照道光二十五年奏案。執法嚴懲。毋稍徇縱。原摺著鈔給閱看。
署烏里雅蘇台將軍麟興奏。查烏里雅蘇台所屬唐努烏
梁海游牧之西北界。係雍正五年已立界址。原設有沙賓
達巴哈界牌為憑。今俄議單內有自索果克卡倫會同
麟興按照議定界址。建立界牌鄂博之語。查索果克卡倫
以外。係科布多大臣所屬阿勒坦淖爾烏梁海之游牧。該
城大臣廣鳳。前以阿勒坦淖爾烏梁海總管莽岱等稟報
有俄官車德查拉等十數人。將該總管旗下男婦共三百
八十餘人手印拏去。並有副後不准與科布多呈進皮張。

等語。是該阿勒坦渾爾烏梁海人戶早被俄夷倡脅附從。已可概見。明年俄使前來立界。其罕達蓋圖卡倫以西至索果克卡倫似應科布多大臣廣鳳會同該使辦理。至何處可以建立界牌。鄂博作記為憑。何處不應建立鄂博。有礙邊界。該大臣自必胸有成竹。確有把握。此會同俄使按界免其侵占之情形也。至東谷內稱俄使議單所開烏里雅蘇台所屬唐努烏梁海之游牧。內唐努鄂拉達巴哈。即係唐努嶺。至薩彥山嶺等三處地名。中國舊圖內並無此項地名。然俄國前開議單內已將應順大嶺向東向南水流之處為中國地。向西向北水流之處為俄國地等語。查

雍正五年已定之沙賓達巴哈界牌往西卽係科布多所屬阿勒坦淖爾烏梁海游牧。若以已定沙賓達巴哈界牌而論似不干唐努烏梁海游牧。若以現時換約議單內唐努鄂拉達巴哈卽係唐努山嶺而論實屬有關唐努烏梁海游牧。查唐努烏梁海五旗原指唐努山始稱爲唐努烏梁海。今俄使以唐努山順大嶺向東向南水流之處爲中國地向西向北水流之處爲俄國地。此該國委素已定沙賓達巴哈界牌有意牽混侵占唐努烏梁海游牧之情形也。茅伏思唐努烏梁海久列藩封素昭恭順。歷年納貢輸誠仰荷。

天恩褒嘉實矣在該總管畏

威戴

德自必永感懷柔惟中外之防宜知謹於未事○
烏梁海游牧西北原設有已定沙賓達巴哈界牌其烏里
雅蘇台所屬似可毋庸再議堆立鄂博即便明年前往
會同俄使照依議單自薩彥山嶺等處復行建立界牌不
特我國舊存地圖並無載有此項地名況俄國尚有因地
分人僅俄使在唐努烏梁海游牧擇肥強占建立界牌豈
不有闕蒙古生計彼時唐努烏梁海人戶不惟不肯附從
且恐以臣服中國之人無故分給俄國致釀釁端況將來

猶不免有逃入卡內要地情事。即便令其入卡住牧而無
出產。何以為生。鄂自應按照已定地名尺寸不致輕讓。如
有不合。必待請。

命遵行。儘該使執以兩國分界大臣已換和約。不由理喻。竟自堆
立鄂博而去。人將何為。若不准其建立鄂博。必以鄂激成
決裂。鄂奉

命專司立界。原為除日後之隱憂。焉敢專為目前之計。若不縷晰
陳明。令混了事。該夷於鄂博作記後。若以常住卡倫執為
定論。則唐努烏梁海亦被色去。後人必以立界者所辦未
妥。相應請。

旨飭下總理各國事務衙門。案該使未來立界之先。向該國住京公使。告以唐努烏梁海游牧。原有已定沙賓達巴哈界牌。毋庸重複建立。以免混淆。若該使執意不聽。亦可令其將劃分段落。應立界牌。指實地名。作記為憑。共若干處。先行繪畫圖誌。由總理各國事務衙門覈定。咨送到鄂。俾得有所遵循。則辦理可無掣肘矣。一俟所繪圖誌頒發到日。鄂由烏里雅蘇台所屬之津吉里克卡倫。至罕達蓋圖卡倫取道。等候大臣廣鳳。將科屬阿勒坦渾爾烏梁海游牧界址。伴同俄使堆立地名。作記為憑。後鄂再會俄使照圖自罕達蓋圖等處。順至沙賓達巴哈止。建立界牌。以免徒勞。

往返

御批該衙門議奏

甲子烏里雅蘇台將軍明誼奏竊分界完帑於九月十九日起身十月初九日行抵科境途次先後承准議政王軍機大臣字寄同治三年八月二十六九月二十七等日欽奉

上諭二道當即恭錄

諭旨咨行烏里雅蘇台科布多塔爾巴哈台伊犁將軍參贊大臣等各將應立界牌鄂博處所豫為妥商俟明年俄使前來即由各城立界大臣按照議立界址與之建立界牌鄂博

防其格外侵占。伏查烏里雅蘇台所屬唐努烏梁海游牧
內。俄使前開議單。載有唐努鄂拉達巴哈地名。此次與俄
使換約之前。曾經開單向其詰問。據該使言稱。唐努鄂拉
達巴哈。卽係唐努山嶺。自沙賓達巴哈界牌起。先往西。後
往南。亦據該使呈繪圖誌。有順薩彥山嶺至唐努鄂拉達
巴哈西邊末處轉往西南。順賽留格木山嶺至奎屯鄂拉
所有界限地名。我國舊存圖內雖無其地名。然據該使所
指方向。續經庫倫大臣文盛送到。雍正五年已定交界圖
誌。詳細覈對名目。雖殊。界限大致尚屬相似。其唐努烏梁
海游牧。雖有被俄人包去之處。尚在卡外。與西兩盟游牧

無礙。惟俄人性情狡詐。明年立界時。難保不思格外侵佔。俟釐到城後。與麟興。卓林。敦多布等酌商。妥籌辦理。至俄人闖入阿勒坦淖爾烏梁海游牧地面。欺凌擾害。與伊犁將軍常清前咨。俄人闖入圖爾根河西佳紮。強占卡倫地方情事。如出一轍。可見分界之事。俄人執定議單。作為已結。無可挽回。隨地分去之阿勒坦淖爾烏梁海蒙古人。亦不值再與強爭。但該蒙古總管內。尚有誠心內附者。人數查亦無多。應由廣鳳等查明酌予內徙。並阿勒台山嶺。迤北烏柯克等處卡倫。既云山嶺大河劃分界址。其舊界應往山前那移。及阿勒台烏梁海游牧內潛居之哈薩克。

人耶。應往卡倫外驅逐各屬。均應於立界前豫籌妥辦。方
免臨時掣肘。隨向該大臣一一商酌。據廣風言。阿勒坦淖
爾烏梁海蒙古游牧。雖被俄人包去。該蒙古等如有堅心
內附。不肯從俄國者。中國自不能遽然棄置。屆時止得量
為撫輯。至那移烏柯克等處卡倫一事。現值大雪封山。礙
難派員勘查。俟明春督飭委員。擇其要隘。酌量移紮。所有
內烏梁海游牧潛居之哈薩克。卽先飭該阿勒台烏梁海
散秩大臣設法驅逐。隨後卽派委員督同竭力辦理。以免
因此俄人又生枝節。

御批該衙門知道。

伊犂參贊大臣明緒奏○於十一月初十日○途次接准科
布多參贊大臣廣鳳咨開○八月三十日○阿勒坦淖爾烏梁
海總管等報稱○俄官額斯色巴齊○帶領俄人○來至我國游
牧○內庫什業莫多地方○言說你們如是我國君主的阿勒
巴圖○給我們憑據○若說不是○就要往前驅逐○又據瑪呢圖
噶圖勒幹卡侍衛忠寅報稱○今有俄人夥同哈薩克來至
本卡之塔布圖地方○肆意滋擾○將委章京瑪克蘇爾及兵
二名拘去○隨即放回○復據侍衛隆安報稱○九月初九日○有
俄人六名○帶領特凌格特一人○各持烏槍長矛○來至本管
達爾沁圖卡倫之塔布圖地方○言稱向北流水之處○均係

我們俄國之地。爾等因何在此居住。隨用鞭毆。將委章京車林兵班第等六人拘拿。並將軍器馬匹衣物全行奪去。旋即放回。該俄人止將奪去軍器交還。所有馬匹衣物未給。各等情咨報前來。查該俄人前來糾屬滋擾。係在未經換約之前。其執意照伊議單作為已結。牢不可破。今已按照該使議單換約。所有阿勒坦淖爾烏梁海游牧。雖被俄人分去。然總當以明年建立界牌鄂博後。各守各界。方與現換條約相符。是以擬給該西悉畢爾總督照會。詰以該國不候約定期立界。任令屬下之人。前來我國邊卡地面。種種強橫。肆意滋擾。實屬不合情理。有失兩國和好。

並令其轉行該國邊界大臣○務當遵照現在議定章程○俟
明年兩國立界大臣○將應立界牌鄂博會同建立事畢○再
行派兵住守○刻下不得任令屬下之人○仍前尋釁滋事○並
令將現在前來我國邊卡滋事之官兵○嚴行收管查辦外○
仍將奪去我國守卡官兵馬匹衣物○如數退出送還等情
咨行訖○理合附片奏

聞

御批該衙門知道

十二月壬申總理各國事務恭親王等奏○同治三年十一
月二十四日○軍機處鈔出署烏里雅蘇台將軍麟興奏○等

辦堆立界牌等因一摺奉

旨該衙門議奏。欽此。又於十一月二十七日。軍機處鈔出勘分西
界大臣明誼奏。差旋至科。與廣鳳面商分界善後事宜等
因一摺奉

旨該衙門知道。欽此。臣等伏查分界一事。俄國早經派有分界大
臣。現在明誼等與該國使臣定議換約。原因勢處萬難。從
權辦理。以完巨案。其中未盡妥善事宜。曾經臣衙門詳細
奏陳。疊次欽奉

諭旨。飭下該將軍大臣等妥籌辦理等因在案。茲據解興所奏立
界事宜。尚需另籌妥辦各節。其所稱罕達蓋圖卡倫以西。

至索果克卡倫地方。應由科布多大臣廣鳳。會同俄使辦理立界。較有把握一層。冀與明誼前次換定約記內載。會同立界專條。稍有未符。其究應由何城大臣會同立界。較為妥協。不獨該處地方形勢。臣衙門無從深悉。卽臣衙門從前以分界事宜。與該國往京公使疊經辨難。該公使亦總以該國派有分界大臣。應由該大臣等覈辦答覆。臣衙門前於議覆明誼奏。已照俄使議單議定換約摺內。曾經聲明。責成該將軍等。豫行嚴飭立界大臣。先行查勘明晰。以免含混。茲既據麟興奏稱。罕達蓋圖卡倫等處立界。應由科布多大臣辦理。應令麟興商同科布多大臣覈辦。務

應和衷商榷以期妥善。至所稱烏里雅蘇台所屬唐努烏
梁海游牧地方。若照議單立界。有關蒙古生計。將來恐有
逃入卡內情事。臣等查明諡。此次奏稱。烏里雅蘇台所屬
唐努烏梁海游牧內。俄人前開議單。載有唐努鄂拉達巴
哈地方。我國舊存圖內。雖無其地名。然查雍正五年已定
交界圖誌。詳細載對名目。雖殊。界限大致尚屬相似。其唐
努烏梁海游牧。雖有被俄人包去之處。尚在卡外。與西兩
盟游牧無礙。俟等到城後。與麟興等酌商妥善等語。臣等
詳覈明諡所奏各節。該處地方形勢。自必了然胸中。該分
界大臣所奏。不為無見。將來立界時。其於蒙古生計究竟

有無闕礙。及若何安插之處。應俟明誼行抵烏城時。麟興
玉應向其面商。以籌妥協。毋庸另議更張。其所請由臣衙
門再行照會俄國住京公使。以及劃分段落。指實地名。繪
圖覈定之處。自係未知該國住紮公使。屢以此事應由該
國分界大臣裁辦。答覆情形。自應毋庸再議。以免另生枝
節。總之分界一事。既經明誼等定議換約。其各城立界大
臣。均應遵照。歷次欽奉。

諭旨。隨時詳細籌畫。妥為布置。相應請。

旨飭下該署將軍麟興。俟明誼到城時。悉心商酌。務須認真籌辦。
以期久遠相安。其應行辦理立界事宜。不得稍有推諉。庶

免臨期失措

御批依議

癸酉烏里雅蘇台將軍明誼奏○等由塔爾巴哈台差施十一月十九日接印任事○適承准總理各國事務衙門議覆分界換約一摺○恭錄

諭旨○並鈔錄原奏行知前來○遵卽咨行各城將軍大臣○遵照所指各統轄同明年立界大臣妥為布置○查行令○等據行嚴飭明年立界大臣先行查勘明瞭○以便屆時建立界牌鄂博○不得稍有含混○致令侵占愈多一節○最關緊要○至阿勒坦淖爾烏梁海蒙古部落中○如果有真心內附○必不肯從俄

國之人。至須擇地。令該處人丁等移於卡內住牧。不得遷至立界時再行遷移。致俄人有所藉口。及阿勒台烏梁海游牧內潛居之哈薩克人眾。應往卡外驅逐各層。等先已慮及。當與廣風商明。於前摺內縷晰陳明。其各城善後未盡事宜。等自應隨時詳籌妥為布置。但查各城疆域甚屬遼闊。而瘠沃之區。早被俄人勘明。今既照單分給。斷難復追其既往。但恐俄人貪得無厭。尤須隨時杜其貪念。以遏將來。明年立界後。必須責成各專城將軍大臣周知各該處地理形勢者。因地因時。詳籌妥辦。持之以久。方可免俄人再行乘隙窺伺。相應請

肯飭下伊犁塔爾巴哈台科布多將軍參贊大臣督飭在事員弁
隨地隨時密為布置庶目下先生觀望而日後專有責成
今李旣已回任王應將烏里雅蘇台立界事宜與麟興車
林敦多布據商妥辦

烏里雅蘇台參贊大臣麟興奏 奏前因派出建立界牌鄂
博擬請攜帶關防以便途次鈐用等因具奏奉

旨麟興俟明誼換約回城即行前赴沙賓達巴哈一帶建立界牌
所請隨帶委員岳嵩武等及攜帶關防前往之處著照所議辦
理欽此茲將軍明誼已回本任 麟興自應遵

旨前往惟查將軍明誼與俄人所換條約內載換約後限二百四

十日○建立界牌鄂博○計其限期應在明歲五月初間○等前
後裁酌○現值卡外大雪封山○不但道路迷漫○萬難前往○縱
使設法勉行○亦不能查勘沿途地方情勢○況俄夷今歲不
來○更不能建立界牌鄂博○等再四思維○擬俟明春雪化○轉
擇日承領關防前往○

諭議政王軍機大臣等○明誼奏○差旋到城○接印日期○詳籌善後事
宜○麟興奏○現時不克建立界牌鄂博○各一摺○明誼所稱豫行嚴
飭明年立界大臣○先行查勘明瞭○以便屆時建立界牌鄂博○不
得稍有含混○致令侵占愈多一節○最關緊要○至阿勒坦淖爾烏
梁海蒙古部落中○如有真心內附者○至須擇地○令該處人丁等

移於卡內住牧。不得遷至立界時再行遷移。致令俄人藉口。阿勒台烏梁海游牧內潛居之哈薩克人眾。應往卡外驅逐。已與廣風商辦等語。卽照明誼等所籌妥為辦理。該夷貪得無厭。明年立界後。尤須各城將軍大臣相度地勢。體察情形。為思患豫防之計。以杜俄人窺伺。別生枝節。所有各城善後未盡事宜。著明緒、明誼、麟興、畢林、敦多布、錫霖、廣鳳、奎昌、豫先督飭在事員弁。隨地隨時密為布置。毋得稍有疏虞。明誼與俄人所換條約內載。換約後限二百四十日。建立界牌鄂博。計其限期。應在明年五月間。此時如赴卡外辦理。亦難剋期蒞事。卽著麟興於明年承領關防前往。妥為籌辦。

戊寅伊犁將軍常清奏。賢大臣明緒奏。伊犁城圍緊急。俄人貿易圍地被賊擾占。公請暫借俄國兵隊前來救援。等再四商酌。不能不從權允其所請。行文西悉畢爾衙門。向其暫借俄兵前來救援。並保護該處貿易圍地。惟路途遙遠。大報能否達到。以及俄兵能否前來。實難豫料。仰祈天恩。簡派大臣帶兵救援。以固根本。

諭議政王軍機大臣等。常清明緒奏。伊犁城圍緊急。懇迅速發兵一摺。明緒現因俄國貿易圍地為賊擾占。行文西悉畢爾衙門。暫借俄兵相助。亦是急則治標之意。尚屬可行。第道路遙遠。大報能否達到。俄兵能否前來。均未可定。況借力外邦。不可不慎。

近年蘇省勦賊亦參用英法各國兵力。幸李鴻章尚能委曲聯絡。卽如常勝一軍。雖係外國兵官教練。仍隸以中國兵勇。且由中國派員會同統帶。不以兵權委諸外國。是以所向有功。尚不致貽笑外國。左宗棠勦辦浙賊。於攻復甯紹等城。亦用此法。伊犁借助俄兵。若能藉生力軍。猛鷲之氣。以振我軍積餒之心。自可事半功倍。儻自強無策。惟鄰國之命是聽。無論未必有功。卽使真能奏效。而主客勢殊。亦屬失計。明緒惟當以江浙辦法為準。慎始圖終。事事熟籌妥辦。若能保全伊犁。將附近各城克復。卽以厚貲犒勞。亦所不惜。惟在明緒等操縱得宜。方為妥善。

奏未總理各國事務恭親王等奏。查本年十一月初七日。

接據英國使臣威妥瑪照會內稱有英人一名布人三名在麻莊鄉搶奪民間雞隻等物與民人互毆毆傷鄉民三人鄉人追至橫澗將該四人拏獲送赴稅卡卡官以無地方之責不肯收理鄉民復將四人縛送木漬司該縣丞亦不肯收復令解送蘇州吳縣該縣亦不收管在蘇緊捆三日未解以致四人中二人殞命此次百姓所獲洋人原係匪徒但該處官員知有洋人被民所捆既不能按照條約第十八款時加保護又不能照第九款將不法之人送交領事官懲辦究其該犯等須命之責實在官而不在民請將木漬司縣丞吳縣知縣蘇州府知府分別懲辦等語

臣等當查該英布人四名入內地遊歷內止布人一名領
有護照其餘皆係無照擅入復敢搶劫民物並砍傷民人
斃命實屬不法地方官查知卽應拿獲解送領事官懲治
既據該使照會內稱百姓所獲洋人原係匪徒因給該使
照覆以既係匪徒該領事官卽不應發給執照至地方官
是否知情不辦俟行文查明再辦等語該使復復於十八
二十等日兩遞照會大意仍以該地方官未經照約送交
領事官懲辦致洋人被捆殞命謂地方官為明知而不加
保護係屬輕視條約各國因此懷疑請速設法稍解其感
等情臣等查此事前於九月間據江蘇巡撫李鴻章奏報

有案業經該撫以鄉民追趕洋人經過木漬地方該處縣丞自必聞見緣何不加理會當再查明覈辦至此案該處鄉民死傷三人該洋人亦因病斃死者二人似可相抵等因當經臣等咨會該撫再飭蘇州府等覆加查訊辦理具報今英國公使威妥瑪照會於拾物之洋人直認為匪徒於捆送之鄉民亦強以為非是該使臣於此案案情尚無袒護諱飾情事惟以該處地方官未經送交領事官為違背條約再三爭辯查此案當鄉民將洋人捆送經過木漬之時橫橫涇卡員及木漬司縣丞稍為能事當將該洋人收下妥為解交上海道轉交領事官懲辦則與條約

相符該使臣自無所藉口。乃卡員既不肯管。而縣丞亦不問問。互相推諉。不敢擔承。以致洋人極無理之事。反授以藉口。狡州之端。據此情形。是該員等平時於條約。漫不經心。故臨事茫無主見。已可概見。今該使臣以各國因此懷疑。請設法稍解其惑。查所稱各國懷疑一語。自屬虛聲恫喝。但各處地方官。於各國條約。平日既不講求。臨時又不細覈。以致辦事時有錯誤。日久終為欺蒙之端。臣等公同商酌。惟有請

旨飭下各省督撫轉飭各該地方官。嗣後遇有外國人在中國地方犯法。無論由官府捕拏。由民間相送。一經解到。卽行按

約就近送交領事官懲辦。中途止可拘禁。不可凌虐。平時仍將各國條約細心檢閱。以為臨事查照辦理之據。並請明降。

諭旨一道。俾各國開知。庶有以釋其疑。而杜其口。其外國遊歷執照。止准發給體面之人。另由臣等照會各國使臣一體辦理。

諭內閣。總理各國事務衙門奏。請飭各省地方官於中外交涉事件。按照條約辦理一摺。據稱江蘇麻莊地方。有英國人一名。布國人三名。搶取鄉村物件。與民人互毆。傷死鄉民三人。被該處民人將該洋人等拏獲。縛送地方官辦理。乃該地方官展轉推

論並不收理。以致延擱三日。該洋人等被捆致斃二人。已由該衙門咨行該省查辦等語。各直省地方。遇有洋人不持護照。擅入內地。及與民人爭鬪。或有不法情事。理應按照條約。將洋人送交領事官懲辦。此次麻莊地方互鬪一案。若如所奏。該地方官並不查照條約迅速辦理。致洋人被捆多日。遂至殞命。實屬非是。儻各省皆似此互相推諉。畏事不辦。尚復成何事體。著各直省督撫嚴飭該地方官。嗣後遇有外國人不持執照。擅入內地。及持有執照。而或有不法情事。抑或照內查有訛誤者。均著按照條約。交領事官懲辦。其或官府未及覺察。先由民間受害之家拿送者。一經解到。亦著按約就近送交領事官懲辦。無

論由官府民開拏送○中途拘集不准陵虐○至中外一切交涉事
件甚多○並著飭令該地方官平時將各國條約悉心檢閱○不准
視為具文○漠不關心○致臨時多所舛誤○

英國照會

為照會事○照得湖州府城為賊所占○該官雇募各國勇壯○
會同圍攻○八月初三日○有英國一人莫爾費○布國三人○出
逃往湖克壯○除布國人西們一名○請有執照○其餘並無執
照○十八日回逃○赴各領事官稟明○布人佛呢克已死○莫爾
費等身受重傷○經各領事官分送醫院○次日英人病重○錄
明口供方死○布國總領事納登○暨本國領事官備文申陳○江

蘇巡撫李派候補府一員。同署副領事官啊。查該四人於八月初三日離滬往湖。在路風聞賊已出城他往。各國壯勇。即將裁撤。因聞宜興縣人有官員操練外國行陣。擬欲投往。隨處打劫。初十日至麻莊鄉。布人西們。佛呢克二人上岸。搶奪民人雞隻等物。民人不服。毆傷西們甚重。布人薩連拉持刀。偕同英人莫爾費登岸往救。彼此極力互鬥。鄉民被傷三人。該四人奔至船上。將船駛去。鄉民追趕至離麻莊三里之橫澗。將四人拏獲。送赴管理稅卡官阮姓處。據該員云。專司收稅。並無地方之責。不能收理。鄉民復將四人送至團防局。該局派役二名。解赴木瀆司。

縣丞處。木漬司亦不肯身任其責。送赴蘇州吳縣。該縣亦不收管。該役留四人在船自刎。四人手足併捆繩索。至第四日。布人佛呢克發瘋身死。尚存三人。一人用牙將相近之人繩索咬斷。其人復將二人解救。十八日抵滬。查詢已畢。總領事官納署副領事官阿。至蘇州見李撫台。據云本院亦經詢問。該管官因恐傷重殞命。未肯收埋。吳縣未曾有人報知。無可處分。木漬司縣丞橫涇鄉民團防人役。尚可查辦。因滬後接到李撫台剗覆。已領事剗文。黏連新聞紙一張。民人稟呈各件。鈔錄責親王查閱。查此案將橫涇人役民人懲辦。本大臣為不安。部見以為木漬司縣丞。吳

縣知縣。蘇州府知府。均應分別懲辦。戊午年定約第十八款內。以英國人民。中國官憲自必時加保護。第九款專條內載。英民如其無照。照中或有訛誤。以及有不法情事。就近送交領事官懲辦。沿途止可拘禁。不可陵虐等詞。各國條約大旨相同。此案四人中有三人無照。四人均有不法情事。搶奪拒捕。竟將民人因傷致命。民追力闕。許久終得擒獲。恐其力大掙脫。設法牢控。以英爾費。佛呢克。兩人斃命。指為百姓緝縛之故。似非公允。該犯被獲致斃。因在蘇三日。緝緊未解。該處官憲。知有洋人被擄。既不照條約保護。人不將不法之人就近送交領事官懲辦。該犯等殞命。

之責實在官而不在民。李撫台劉云：中外各有傷亡，似屬可以相抵。本大臣未以為然。該洋人故意殺人，不能藉此謂該官無背約之處。鄙見本濱司吳縣知縣、蘇州府知府不能無咎。蘇州城大民稠，有洋人解省奇異之事，已歷一日夜之久。該官無所聞知，應無是理。府縣既知解到，置之不問，使該犯等斃命，以刀與政，無以異也。若謂不知有失察之處，若知可免失察，又貽害地方，使斃命是華人，該官亦不能免處分。斃命者又係洋人，不惟犯例，更屬違約。其罪更應加重。查佛呢克係布人，布國如何索償？本大臣不便與聞。至莫爾費係本國人，中國果專治該官之罪，止於

從輕賠償。既往所最要者保其將來。已領事新有函致閩蘇州府知府。寄劄上海。欲覓條約一本。通商各口。來往人多。上海為最。省城距口數十里。並無一本條約。遠者府縣何得明曉。府縣未悉約內時加保護之條。遇有華外爭鬧事件。洋人倚仗何人保護。此次百姓所獲洋人。原係匪徒。該官未提訊兩造相驗。若彼日百姓錯拿。或誣良為匪。該官能有辦法乎。不知條約明文止知受傷甚重。恐其身死。故置之不論。中國漠視游客。並無保護之准。嗣日非但游客有受損之處。約內小節差池。亦有愈難處置者矣。近來外省累有違約事件。各國懷疑。以外省員約由。

京師大臣無心親睦與和擅所購珠非淺鮮此案諒貴親王
必請

旨交該省察訊覆奏非一日可定當未辦之先難免各國疑感希
設法以破疑團為此照會

給英國照覆

為照覆事接准貴大臣照會為英人一名布人三名在木
浪麻莊橫涇地方因搶民物彼此鬭毆互有傷亡一案以
為地方官不加保護欲將各該地方官分別懲辦等因查
此案洋人四名擅入內地強劫民間雜物並砍傷民人斃
命未經英國繕譯官何呈布國總領事納親往查驗屬實

人經江蘇巡撫派委員到該處細加訪詢。實係該洋人等擅入內地。搶劫鄉民雞物洋錢。拒捕搶傷鄉民三人。內死一人。經鄉民鳴鐸相送。行至中途。該鄉民恐官追究受累。反為不美。遂聽洋人自去。並未報官。彼時各該地方官。並不知有此事。係屬實在情形。惟查英人一名。布人三名。共計四人。其布國人一名。雖領有護照。據稱係由滬前往湖州。該處並非由滬赴湖之路。其餘並無執照。貴大臣來文。稱百姓所獲洋人。原係匪徒。誠為明見。查遊歷執照。祇應發給體面有身家之人。其布領事何以擅給匪徒。任聽到處逞兇。傷死鄉民。容本衙門另致布國大臣。懇請互保護。

二字。若係外國體面之人。不拘行至中國何處。各地方官不但時加保護。且倍深敬重。今貴大臣既云該洋人原係匪徒。來文謂中國地方官未經拏送領事官。卽指為不能保護。查鄉民未將所捆之洋人送官。該地方官當時並未知有此事。是以無從拏送。卽使事後得知。該洋人業已回滬。地方官亦礙難拏回送交。總之此案英人一名。係無護照擅入內地。夥同布人強奪民物。鄉民圍拏。又復拒捕傷斃事主。實為違約犯法。應請貴大臣轉飭各口領事官。嗣後務須嚴禁本國人。慎毋不顧護照。違約擅入內地。免致再有似此之事。至吳縣不肯收管之說。是否實有其事。本

爵亦即行大兩江總督。江蘇巡撫查辦。俟查確覆到後。再行覈奪可也。

英國照覆

為照覆事。昨接貴親王照覆。英人莫爾費等一案。查捆送該犯之役。彼日送至木瀆。次日送上蘇州。四人在蘇四日之久。一人斃命。其餘三人。勉強扎押回滬。所云中途聽其自去。應不謂然。至於有無報官一節。江蘇巡撫李曾向署副領事啊。面言該地方官知有此事。恐其身死。未敢收管。各官既已得知。有無報明。無關緊要。貴親王又請轉飭各口領事官。嗣後務須嚴禁本國人。慎毋不顧護照。違約擅

入內地等因。蘇浙兩省賊匪盤踞之處。內地各官。隨意招募洋人充勇相幫。上竄各口。領事官屢告地方官。不可任便招致。欲募英勇。必使先赴領事官處察覈。然後酌定。該地方官不按照辦理。以致所招洋勇。到處滋生事端。查英爾費等捆送木瀆。該縣丞何為置而不問。次日解蘇。李撫臺稱地方官知該犯等受傷。恐死致累。不敢收管。以致四人在蘇河面四日。一人當時斃命。一人迫日殞生。實屬蘇州木瀆府縣司等。既不能就近送交審辦。又不知保其不負陵處。該官設若誤報。仍犯中國失察之咎。外有重違條約明文。似此違例。加以員約。重加玩視。人之恆受疾苦。甚

使外國戾心不安。於和局有礙。茲懲辦各該地方官。不能即行究結。各國必致懷疑。其可如何設法。稍破其惑。最為至要。來文並未提覆。仍希貴親王速為酌議。見覆。以便本大臣始得其指。奏聞。為此照覆。

給英國照會

為照會事。接准貴大臣照會。本爵詳閱所稱內地各官。隨意招勇一節。查江浙招勇。乃係從前之事。自蘇杭克復以後。洋槍隊勇。止有裁撤之事。並無續招之事。此案該洋匪四人。擅入內地。搶奪傷人。係本年八月初十日。實在蘇杭克復之後。即使地方官招勇。皆託帶兵之洋官。會商領事。

官辦理該地方官從未任便招致則隨意招募一事自可保其必無至此案該洋匪四名責大臣以該地方官未經押送領事官指為誤報則犯失察之例加以員約重加以玩視人之恆受疾苦則領事官任聽洋匪不領執照或隨意發給執照以致入內地復搶物殺人亦係玩視中國人命不僅失察之咎至來文所稱如何設法猜破其惑酌議見覆以便具奏等語查此案未辦之先本衙門已行文該省督撫確切查明聲覆俟查覆到日自應照例辦理一面由本衙門咨飭各省凡遇有似此案件務須細看條約將該洋人拏獲後照約送交領事官辦理沿途祇可拘禁不

得陵處可也

英國照覆

為再行照覆事。莫爾費等在蘇捐死一事。昨准貴親王覆文等因。本大臣檢查京報。克復湖州在七月二十七日。而因該城初次圍攻。浙軍洋槍隊未能得手。該帶勇官到滬。任便續招洋人一二百名。當時即經領事官詳報在案。該人離滬前往。係八月初旬。其時未知湖州克復。路上始得風聞。該人雖係犯法。究屬既經身受重傷。解到蘇州。李撫臺自言該官等皆知四人受苦。各官置若不聞。泰西各國聞之。固視該犯等犯法可惡之極。其與玩視人命者。所差

較亦無多。來文所論。隨意發給執照。以及洋匪不顧執照。搶殺華民。亦係該領事官玩視中國人命。如此比較。是否有合於理。無須辯論。總之此案來往數件。所議各節。其中最要。是各國因此懷疑。請速設法。稍破其惑。今准來文所稱。由本衙門咨飭各省等因。本大臣思。僅有此舉。其餘懷疑一節。甚恐無所裨益。理合附陳。尚有餘意。姑容暫置。勿庸深論。為此照覆。

恭親王等又奏。臣等前因英國使臣卜魯士回國時。有金陵克復。務求寄知之語。曾於本年克復金陵時。專函布知該使。茲於十二月初六日。據威妥瑪函稱。現在接到卜魯

士寄信以聞知金陵克復。欣悅之至。屬威妥瑪代為轉達。致賀等語。當經臣等泐覆一函。謝其道遠寄賀。並福建前曾需用洋磁。該使允飭香港官准買。且不許高價等情。繕函交該使去訖。理合附片陳明。

御批知道。

給英國卜魯士信函

昨接威大臣來函。內述貴大臣以中國克復金陵。屬為轉達致賀等因。日前貴大臣在中國時。常以中國軍務極為關懷。現因克復金陵。復遠道寄信相賀。足徵始終關切。此後本王大臣仍當極力籌畫。竭盡餘力。俾可長治久安。以

副雅懷。前接福州稅務司美理登來稟。以福建應用洋藥。及各軍火等件。委該稅司前赴香港購辦。經貴大臣允飭。香港官准買。且不許高價。祇照工本給發。遙想貴大臣篤念友邦。關愛情深。並此道謝。至貴大臣別後。威大臣接辦一切。均屬妥洽。各國住京大臣亦俱和好如舊。美國蒲大臣相交情誼日厚。貴大臣厚意。蒲大臣均為達到。計關愛。注並泐布聞。前於十月初一日奉布一函。內論輪船事宜。請威大臣代為繙譯轉遞。想經惠覽。現肅謝函。亦請威大臣繙譯代致。

丙戌塔爾巴哈台參贊大臣錫霖奏。前奉

諭旨令將塔爾巴哈台本境繪畫全圖貼說呈送總理各國事務衙門備存考覈等因欽此九月初七日王換記鈔等自應派員前往詳加履勘惟適值烏魯木齊一帶回匪肆擾各路派兵防守偵探入兼時交冬令山河道路多被雪封若卽委員前往履勘誠恐不能週至易致草率合無籲懇

天恩暫緩查辦一俟春融積雪消化等再行派員前往各處詳加履勘繪圖貼說恭呈

御覽

諭議政王軍機大臣等錫霖奏暫緩查辦分界塔城分界事宜著春融雪消時卽行派員前往各處詳加履勘務須堅守條約格

外慎重。毋令夷人含泥狡執。藉端侵占。一俟查勘明確時。卽行繪圖貼說呈覽。

戊子。兩廣總督毛鴻賓奏。據總稅務司赫德面稱。適見新聞紙。言侍逆李侍賢現踞漳州。勾串洋人。幫同襲取泉州。進襲福州。約將海口通商地面讓給洋人。俟占踞福建各城。再圖分股竄擾浙江江西。以圖北犯。此等謬妄無稽之言。原不足據。以為信。而各處流氓鬼子。希圖罔利。與為勾結。亦事所或有。應請

皇上飭下福州將軍。及福建撫臣妥為防範。並飭總理衙門照會各國住京公使。轉飭住紮閩省洋官及領事等。務各約束

商民人等。不令與賊匪勾結。並防有接濟軍火等事。免至滋生他患。

諭議政王軍機大臣等。毛鴻賓等奏。據總稅司赫德面稱。通見新聞紙。言侍逆李侍賢現踞漳州。勾串洋人。幫同襲取泉州。進集福州。約將海口通商地面讓給洋人等語。原不足據。以為信。而各處流氓鬼子。希圖勾結同利。亦事所或有。請飭福建防範。並飭總理衙門。照會各國。住京公使。轉飭住紮閩省洋官及領事官等。約束商民各等情。本日已諭令總理各國事務王大臣妥籌辦理。著英桂徐宗幹。嚴飭所屬。妥為稽查。如有外國流氓勾結生事。拏交各國領事官從嚴懲辦。

辛卯○議政王等奏○竊查成豐十年十一月間○前任軍機大臣穆蔭等○面奉

大○宗○顯○皇○帝○諭○旨○所○有

宣○宗○成○皇○帝○實○錄○及○夷○務○本○末○著○飭○各○該○處○補○鈔○一○分○進○呈○等○因○
欽○此○當○卽○行○知○內○閣○及○方○略○館○辦○理○其○時○臣○大○祥○留○京○辦
事○卽○日○督○同○軍○機○章○京○將○夷○務○本○末○底○本○取○到○查○此○書○係
由○纂○修

宣○宗○成○皇○帝○實○錄○時○館○臣○編○輯○隨○同

宣○宗○成○皇○帝○實○錄○進○呈○其○副○本○交○方○略○館○收○藏○自○道○光○十○六○年○起
至○二○十○九○年○止○凡○涉○中○外○事○件○纖○悉○畢○載○最○為○詳○備○經○該

章京等捐貲繕寫。臣奕訢等復督飭趕繕。認真校對。現在
一律補繕完竣。臣等覆加詳閱。尚無錯誤。共計八十卷。謹
裝為八十冊。合十六函。恭呈

御覽。

華辨史務始末卷之三十